

Message Six

**Anhtē A Lāban Nhtoi Hkring Sa Ai Hku Nna Hkristu Hpe Lāmu
Ga Kāja Hkanan Hpe Shingdaw Da Ai Lam**

Htina chyumdaw; -Heb. 3:7-4:11

- I. Anhtē gaw Hebre laika hta rawng ai lāban nhtoi hta hkring sa ai lam hpe jaw kāja htap htuk hkra chye na hkawn hkrang māyu ai rai yang, tengman ai chyum laika hta lāban nhtoi hta hkring sa ai lam shawng nnan tsun da ai lam a shingdaw ai lam hpe chye na ra nga ai-Nin. 2:2-3.**
- A. Kārai Kāsang gaw sānit ya nhtoi hta hkringsa ai lam nga nga ai. Hpa mājaw nga yang Mādu a bungli hpe ngut kre nna myit dik myit pyaw ai mājaw rai nga ai. Kārai Kāsang a hpung shingkwang gaw dan leng paw pru ai lam nga nga ai. Hpa mājaw nga yang māsha gaw Mādu a hkrang nsam rawng nna, Mādu a uphkwang ai lam hte Mādu a ahkaw ahkwang gaw Mādu a hpyen wa hpe dang la na mātu shāman shākyang gālaw na re mājaw rai nga ai-1:26.
 - B. Dinghta ga ntsa māsha gaw Kārai Kāsang hpe dan leng ai hte Kārai Kāsang hpe gawng mālai tai ai māsa hku nna nga nga ai shāloi dai māsa lam gaw Kārai Kāsang a mātu lāban nhtoi hta hkring sa ai lam rai nga ai. Lāban nhtoi hta hkring sa ai lam gaw Mādu a myit māsin ra shārawng lam hta Kārai Kāsang a myit dik myit pyaw lam nan rai nga ai-kāji 26-28, Heb. 2:6-8a.
 - C. Kārai Kāsang a sānit ya nhtoi gaw māsha a shawng nnan shāni rai nga ai. Māsha gaw hpan da hkrum ngut ai hpang Kārai Kāsang a bungli hta shang lawm māut māhkai ai lam nnga ai. Raitim shi gaw Kārai Kāsang a hkringsa ai lam kāta de shang mat wa ai. Māsha gaw bungli gālaw na mātu hpan da hkrum ai nre sha, Kārai Kāsang hte rau myit dik myit pyaw lam nga na mātu hte Kārai Kāsang hte rau hkringsa na mātu hpan da hkrum ai rai nga ai-mādun; Mat. 11:28-30.
 - D. Lāban nhtoi gaw Kārai Kāsang gaw yawng māyawng hpe gālaw ngut kre ai lam, yawng māyawng hpe jāhpring shātsup ai hte yawng māyawng hpe hkyen lājang shāngut sai lam rai nna, māsha gaw shi a bungli yawng hpe jāhkring kau ai re lam shingdaw ai. Lāban nhtoi hpe hkang zing ai lam gaw anhtē a bungli hpe jāhkring kau nna Kārai Kāsang hpe la lang ai, Mādu gaw anhtē a mātu anhtē a kābu gāra lam, hkring sa lam hte myit dik myit pyawl am hku nna shāngut shākre ai yawng māshāngut shākre ai yawng māyawng hpe la lang ai lam rai nga ai. N dai gaw Kārai Kāsang a yaw māsing rai nga ai-Pru. 20:8.
 - E. Yerusalem māre nnan gaw Kārai Kāsang a jāhtum hte htani htana rai nga ai lāban nhtoi hta hkring sa ai lam rai nga ai. Hpa mājaw nga yang dai shāra hta hkrang shaw la hkrum ai sak hkrung ai ni yawng gaw hpung shingkwang hta Kārai Kāsang hpe hpring tsup hkra dan leng ai nhtawm, htani htana prat dingsa Kārai Kāsang a ahkaw ahkwang hte ning ngai ai lam nga nga ai mājaw rai nga ai-Shr. 21:10-11, 22:1, 4a, 5b.
- II. Lāban nhtoi hta hkringsa ai lam gaw anhtē a hkring sa lam hku nna Hkristu rai nhtawm, dai hpe lāmu ga kāja Hkanan mung hku nna shingdaw da ai (Trj. 12:9, Heb. 3:7-4:13). Hkristu gaw ninggam māsum hta chyoī pra ai ni a mātu hkring sa shāra rai nga ai.**
- A. Hpung prat hta samsing hte seng ai Hkristu ngu ai Kārai Kāsang hpe shādan shāheng ai lam, gawng mālai tai ai lam hte myit dik myit pyaw shāngun ai Mādu, Mādu a bungli kaw nna hkringsa ai samsing hte seng ai lam hta Kārai Kāsang a lāta hkra māga hta dung nga ai Mādu gaw anhtē a wēnyi hta anhtē hpang de hkring sa ai lam rai nga ai (Mat. 11:28-29). Heb. 4:9 hta rawng ai lāban nhtoi hta hkringsa ai lam gaw lāmu ga kāja Hkanan mung hku nna shingdaw da ai anhtē a hkring sa lam Hkristu rai nga ai (Trj. 12:9, Heb. 4:8).
 - B. Satan hpe dinghta ga kaw nna shāpraw kau ngut ai hpang shāning hkying mi Milemia mungdan hta (Shr. 20:1-3), Kārai Kāsang gaw Hkristu hte danglu ai chyoī pra ai ni hku nna dan leng ai lam, gawng mālai tai ai lam hte myit dik myit pyaw ai lam nga wa na rai nga ai. Dai shāloi mungdan hte rau Hkristu gaw danglu ai chyoī pra ai ni a mātu grau nna hpring tsup ai lādat hta hkring sa na rai nhtawm, shanhtē gaw Mādu hte rau ginrun Hkawhkam ni tai let (kāji, 3, 6) Mādu a hkringsa lam hpe kāran ai hte kābu gāra ai lam nga wa na rai nga ai.
 - C. Hpang jāhtum hpyen wa rai nga ai si lam hte hpyen ni yawng hpe Mādu hpang de yin la shāngun ai hpang (1Kor. 15:24-27) samsing nnan hte ginding nnan hta yawng māyawng danglu ai Mādu

hku nna Hkristu gaw htani htana prat dingsa Kārai Kāsang a hkrang shaw la hkrum ai ni yawng a mātu hpring tsup ai lādat hta hkring sa lam nga lu na rai nga ai.

- D. Heb. 4:8-9 hta tsun da ai lāban nhtoi hta hkring ai lam gaw shawng nnan na ninggam lāhkawng hta anhtē a hkring sa lam hku nna Hkristu hpe mādi mādun nhtawm, grau nna lāhkawng ngu na ninggam hte anhtē gaw atsam mārai dat let tam nna shang lawm lu na mātu ngam nga na hkringsa lam hpe mādi mādun ai.
1. Shawng nnan na ninggam lāhkawng hta hkringsa ai lam gaw Mādu Kārai a atsam mārai rawng let tam ai ni a mātu Mādu hpe hpring tsup ai lādat hta kābu gāra nhtawm, danglu ai ni byin wa ai ni a mātu kumhpa rai nga ai. Ninggam māsum hta nga ai hkring sa ai lam gaw kumhpa nre sha, hkrang shaw la hkrum ai ni yawng hpang de hpring tsup ai kāran gam ya ai gambum rai nga ai.
 2. Mādu gaw anhta hta hkringsa ai lam a ninggam lāhkawng hta Hkristu gaw dinghta ga ting hpe Mādu a sāli wunli hu nna zing mādu la na rai nna, shāning hkying mi tup Mādu a mungdan byin wa na rai nga ai-Shk. 2:8, Heb. 2:5-6.
 3. Hkristu gaw anhtē a hkringsa lam rai nga ai, ninggam lāhkawng hta Mādu hpe shanhtē a hkringsa lam hku nna tam let, Mādu hpe kābu gāra ai Mādu a danglu ai kamsham ai ni yawng gaw shāning hkying mi Milenia prat lādaw hta Mādu a ning ngai ai lam hta shang lawm kānawn wa na rai nga ai (Shr. 20:4, 6, 2Tim. 2:12). Shanhtē gaw dinghta ga hpe sāli wunli hkam la lu na rai nna, (Mat. 5:5, Shk. 37:11, Luk. 19:17, 19). Shanhtē Mādu a kābu gāra lam hpe shawng lawm kānawn lu na rai nga ai (Mat. 25:21, 23).

III. Anhtē gaw Mat. 11:28-30 hta rawng ai Mādu Kārai a mungga hpe ahkyak la ra nga ai—“Hki ba la nna lit li gun ai ni yawng hte e, ngai kaw wa mārīt, ngai nanhtē hpe ban sa shāngun na mādē ai, ngai gaw myit sumnung ai hte myit gyip nga nngai rai nna nye a kandang hpe hpai mu, nye a lam shārin la mu, dai rai yang nanhtē a myit māsin ban da ai hkrum na mālīt dai, kāning rai nme law, nye a kandang hpai loi ai hte nye a lit mung tsang nga li ai”.

- A. Hki ba ai lam gaw jet ai tāra a tāra ni hte nawku htung hte seng ai rit kawp tāra ni hpe hkrang zing na mātu shākut shāja ai lam a hki ba ai lam sha n-ga, hpa bungli hta raitim awngdang kāba wa na mātu shākut shāja ai lam a hki ba ai lam mung rai nga ai. Dai rai nna hki ba ai lam mahkra gaw gāloi mung li la ai lit hpe gunhpai ai lam rai nga ai.
- B. Hkringsa ai lam gaw jet ai tāra (snr) nawku htung n-pu hta (snr) hpa bungli raitim, lit lāmang npu hta hkiba ai nna litli ai kaw na lawt lu ai sha n-ga, hpring tsup ai simsa lam hte hpring tsup ai myit dik myit pyaw lam hpe mung mādi mādun ai.
- C. Mādu Kārai a lit hpe gunhpai ai lam gaw Kāwa a ra shārawng ai lam hpe gunhpai ai lam rai nga ai. Dai gaw jet ai tāra (snr) nawku htung tāra a hpa lit lāmang hpe raitim gyip gyeng ai lam (snr) uphkrang ai lam (snr) hpa bungli raitim māyam yam na mātu nre sha, Kāwa a ra shārawng ai hku nna lau la hkrum na mātu rai nga ai.
- D. Mādu Kārai gaw dai zawn re asak hkrung lam hpe asak hkrung nna, kāga hpa hpe mung ahkyak nla ai sha, Kāwa a ra shārawng ai hpe sha ahkyak la ai (Yhn. 4:34, 6:38, Esai. 42:4a, mādun; 53:2, 11:1-4a). Mādu gaw shi hkum hpe Kāwa a ra shārawng ai lam de hpring tsup hkra yin la wu ai (Mat. 26:39, 42). Dai mājaw Mādu gaw anhtē hpe shi kaw na shārin la na mātu hpyi shawn nga ai rai nga ai (Ehp. 4:20-21).
- E. Sumnung shingdi ai (snr) si māni ai lam ai ninghtan shai ai lam hpe bai ninghkap ai lam nnga ai hpe tsun māyu nna shāgrit shānem ai lam gaw tinang hkum hpe htang kāba ai lam nnga ai hpe tsun māyu ai. Mādu gaw Kāwa a ra shārawng lam de hpring tsup hkra yin la nna, shi hkum nan a mātu hpa hpe mung nra shārawng ai (snr) shi hkum nan a mātu lāma ma amyat lu la na nmyit mādā ai. Dai rai nna kāning re māsa lam hta raitim Mādu gaw shi a myit māsin hta hkring sa lam nga nga ai. Mādu gaw Kāwa a ra shārawng lam hpring tsup hkra myit dik myit pyaw ai lam nga wu ai.
- F. Mādu Kārai a lit hpe gun hpai nna Mādu kaw na shārin la let anhtē tam ai hkring sa lam gaw anhtē a myit a mātu rai nga ai. Dai gaw kāta daw hkringsa ai lam rai nna, mābyin māsa hta shinggan daw san san sha rai nga ai lāma ma nrai nga ai.

- G. Mădu Kărai a lit gaw Kăwa a ra shărawng lam rai nna, Mădu a lit gaw Kăwa a ra shărawng lam hpe gunhpai ai bungli rai nga ai. Dai zawn re kandang gaw gun loi nna, hka la ai lam nnga ai. Dai zawn re kandang gaw tsang nna, litli ai lam nnga ai-mădun; Mlhc. 3:14.
- H. Mădu a kandang gunloi ai lam gaw Mădu a kandang rai nga ai. Kăwa a ra shărawng ai lam gaw mai kăja ai, mătšan dum ai, sumnung ai, si măni ai hte ra shărawng hpa rai nna, yak hkyak ai, măzut ai, ju zawn măsən ai, hka la ai lam ni hte ninghtan shai nga ai.

IV. Pru. 3:12-17 hta lăban nhtoi gaw sum gawgap na mătu mătšan da ai hpang e hkan sa wa ai lam tsun da ai.

- A. Ngai gaw nanhtē hpe chyoi pra shăngun ai Yehowa rai nga ai lam nanhtē hpe chye na mătu, nanhtē a amyū rusai yawng ngai hte na a lăpran hta kumla sakse tai na mătu nye a lăban nhtoi hpe teng sha hkan zing ra na rai nga ai. Dai rai nna tutnawng grin nga ai ga shăka hku nna amyū rusai yawng lăban nhtoi hpe hkan zing na mătu Isrea amyū măsha ni yawng gaw lăban nhtoi hpe hkan zing ra na rai nga ai. Dai zawn hkan zing yang ngai hte Isreal amyū măsha ni lăpran hta tutnawng kumla sakse tai na rai nga ai. Hpa măjaw nga yang Yehowa gaw sumsing hte ginding aga hpe kru ya tup hpan da nna, sănit ya nhtoi hta hkring sa let n-gun jăhpring wu ai” kăji 13, 16-17.
- B. Sănit ya shăni hta Kărai Kăsang gaw “hkringsa let n-gun jăhpring ai gaw măsha gaw Kărai Kăsang a ngwi pyaw lam jăhpring ya ai rai nga ai. Hpa măjaw nga yang măsha gaw wēnyi rawng nna, Kărai Kăsang shi hkum nan a hkrang nsam hta hpan da hkrum ai dai rai nna, măsha gaw Kărai Kăsang hte kănawn măzum lu nna, Kărai Kăsang a kănawn na hte ningrum ningtau tai lu na re măjaw rai nga ai.
- C. Anhtē gaw lăwu na Kărai hte seng ai măhkrun lam hpe mu ra nga ai. Kărai Kăsang gaw shawng nnan anhtē hpe kăbu găra ai hte kărūm ya nhtawm, dai hpang Mădu hte rau anhtē bungli gălaw ga ai. Mădu a bungli hta Kărai Kăsang hte lăngai sha tai na mătu anhtē gaw Mădu hpe kăbu găra lu na rai nga ai.
- D. Pentioki shăni hta săpe ni gaw Mădu Kărai hpe kăbu găra ai hte jăhpring la ma ai. “shanhtē tsăbyi nnan hkru nga ma ai” (Kas. 2:13. Dai hpang Petru hte mărαι shi lăhkawng gaw Mădu Kărai hte rau sha bungli gălawna mătu rawt wa ma ai (kăji 14).
- E. Kărai Kăsang a mătu dai gaw bungli gălaw ai lam hte hkring sa ai lam rai nga ai. Măsha a mătu dai gaw hkringsa ai lam hte bungli gălaw ai lam rai nga ai. Dai hpang anhtē gaw Mădu hte lăngai sha tai nna Mădu Kdrai hte rau bungli gălaw ma ai.
- F. Kărai Kăsang a măsha ni hku nna anhtē gaw Kărai Kăsang hpe anhtē a n-gun atsam hte yawng măyawng hku nna ra nga ai lam măsət kum la la ra nga ai. Shing rai yang she Hkristu a hkumhkrang hku nna Hpung hpe gawgap na mătu Mădu hte rau sha anhtē bungli gălaw na dangdi lu na rai nga ai. Ndai lam hta Mădu hpe arawng sădang dan leng shăngun let hpung shingkan rawng shăngun nga ai-1Kor. 15:10, 58.
- G. Anhtē la lang ai măsət kumla gaw anhtē gaw Kărai Kăsang hte rau hkring sa ai, Kărai Kăsang hpe kăbu găra ai, Kărai Kăsang hte ngwi pyaw n-gun jăhpring ai, shawng nnan Kărai Kăsang hte jăhpring bang hkam la ai nan rai nga ai. Dai hpang anhtē gaw Mădu hte rau lăngai sha tai ai lam hta anhtē hpe jăhpring ya ai Mădu hte rau sha bungli gălaw nga ga ai. Ndai lam gaw Kărai Kăsang hte rau sha htani htana ga shăka, htani htana ga shăka laika ka ai lam rai nga ai.

V. Hkristu hpe lămu ga kăja hku nna kăbu găra ai lam a lădat gaw “ahkrung nga ai hte alet nga ai rai nna, nshan lăhkawng măga dai ai hpa baw ningtawng nhtu hta mung grau dai ai hte myit măsın hte wēnyi hpe mung, nra hkrihkraw hte lăswi hpe mung dinghkren ginhka chye nna,” Kărai Kăsang a asak hkrung let gram shărai gălaw chye ai mungga rai nga ai—Heb. 4:12.

- A. Isreal amyū măsha ni gaw ga shăka ningnan kamsham ai ni rai nga ai anhtē gaw “1Kor. 19:6a, 11) Kărai Kăsang a hpring tsu ai hkye hkrang la ai lam hta shang lawm kănawn ai lam a shingdaw lam rai nga ai.
 1. Shawng nnan na ninggam hta anhtē gaw Hkristu hpe hkap la nhtawm, mungkan kaw nna hkrang shaw la ai hte shălawt ya hkrum lu ga ai. Dai gaw Israel amyū măsha ni gaw Egutu mung kaw nna shălawt hkrum ai zawn rai nga ai.
 2. Ninggam lăhkawng hta anhtē gaw Mădu Kărai a hpang hkan ai lam hta găyin hkawm nga ai rai nga ga ai. Dai gaw Iraela amyū măsha ni gaw zaibru jang hta găyin hkawm nga ai zawn

- nan rai nga ai. Anhtē a gāyin hkaw nga ai lam gaw gāloi mung anhtē a myit hta byin pru nga ai.
3. Ninggam māsum hta anhtē gaw Hkristu hpe hpring tsup ai lādat hku lu sha ai lam hte kābu gāra ga ai. Dai gaw Israel amyū māsha ni gaw lāmu ga kāja a sutsu ai lam ni hpe lu sha ai hte kābu gāra ai zawn nan rai nga ai. Ndai mähkrum mādūp gaw anhtē a wēnyi hta rai nga ai.
 4. Hebre kamsham ai ni gaw shanhtē a Hebre nawku htung hte gāra hku gālaw ra na hpe shanhtē a nyan hta yaw shāda myit sawn da nna, shanhtē a nyan hta ndai myit sawn yaw shāda ai lam gaw shanhtē a myit hta gāyin hkawm nga rai nna, shanhtē a wēnyi hta Hkristu hpe hkrum kādup hkam sha lam nnga ma ai.
- B. Hebre laika ka ai wa gaw Hebre kamsham ai ni yawng hpe shanhtē a myit gāyin hkawm nga ai lam hta kānyi kānga re lam nnga ai sha, shanhtē a wēnyi kāta de sit shang let sūmsing hte seng ai Hkristu hpe la lang nhtawm kābu gāra na mātu hpaji jaw wu ai.
1. Sūmsing na ting nyang hta dung nga ai dai Hkristu gaw (Rom. 8:34) ya ren hta anhtē hta (kāji 10), anhtē a wēnyi hta (2Tim. 4:22), dung nga nna, dai gaw Kārai Kāsang a shānu shāra rai nga ai (Ehp. 2:22).
 2. Sūmsing chyinghka rai nga ai Kārai Kāsang a nta Kārai Kāsang a shānu shāra rai nga ai Behtela hta Hkristu gaw dinghta ga kaw nna sūmsing de mātut ai sūmsing hpe dinghta ga de gun sa wa ai lākang rai nga ai (Nin. 28:12-17, Yhn. 1:51). Dai ni anhtē a wēnyi gaw Kārai Kāsang a shānu shāra rai nga ai mājaw dai gaw ya sūmsing a chyinghka hku nna dinghta ga ntsa na māsha law law rai nga ai anhtē hpe sūmsing de mātut mähkai ya nna sūmsing hpe dinghta ga de gun sa wa ai lākang rai nga ai Hkristu nga ai shāra rai nga ai.
 3. Dai mājaw anhtē gaw anhtē a wēnyi de gāyin wa shāgu sūmsing chyinghka kaw nna anhtē shang wa nhtawm, sūmsing hte seng ai lākang hku nna Hkristu kaw nna sūmsing hta nga ai chyeju ting nyang hpe ahtu hkra ai lam rai nga ai—Heb. 4:16.
 4. Kānyi kānga rai nga ai Hebre kamsham ai ni gaw shanhtē a myit hta gāyin hkawm nga nhtawm, shanhtē a wēnyi hpe nyet kau ma ai. Raitim ga shāka ningnan gaw anhtē a myit hta nre sha, anhtē a wēnyi hta nan nga ai -Rom. 8:16, 2Tim. 4:22, Gal. 6:18.
- C. Hebre kamsham ai ni a myit gaw de a myit sawn yaw shāda nga ai nyan, Kārai Kāsang a hkye hkrang la ai lādat hte seng nna ung ang ai hte shi hkum nan myit shang sha ai lam ni hpe sha myit sawn sumru nga nna, dai hpe Kārai Kāsang a asak krung ai, gram shārai chye ai, ding hkren lu ai mungga hku nna daw gawp hkrum lu na rai nga ai. Shing rai yang she shanhtē a wēnyi gaw shanhtē a myit kaw nna gāran ginhka lu na rai nga ai—Heb. 4:12.
1. Lāsui gaw nrut nra kāta sunghtum ai hta māgap da ai zawn, wēnyi gaw myit hta sunghtum hkra nga nga ai. Nrut nra kaw nna lāsui hpe gāran ginhka na mātu nrut nra hpe ahkyak mādung hku nna daw gawp ra ai zawn, myit kaw nna wēnyi hpe gāran ginhka na mātu myit hpe daw gawp kau ra nga ai—1Pet. 3:4.
 2. Anhtē gaw tengman ai chyum laika hpe hti shāgu dai gaw asak hkrung ai, n-gun atsam jaw ai hte greng ai lam nga nga nna, anhtē a wēnyi kaw nna anhtē a myit hpe gāran chye ai, anhtē a myit sawn ai lam ni hte yaw shāda ai lam ni hpe gāran mu chye lu nhtawm, hpa lam mung ting gyeng a mātu ting gyeng a lam rai nna hpa lam mung Kārai Kāsang a lam, Kārai Kāsang a mātu re hpe hpaw hpyan dan lu ai du hkra nga lu na rai nga ai. Anhtē gaw mungga hpe wēnyi hta akyu hpyi ai lam amyū myu hte kamsham ai hte rau gāyau ra nga ai. Shing rai yang she dai gaw asak hkrung ai hte gram shārai gālaw ya lu na rai nga ai—Heb. 4:2, Ehp. 6:17-18.
 3. Kārai Kāsang a asak hkrung ai mungga gaw anhtē a mābyin kāta de ding hkren shang wa nna, myit sawn yaw shāda ai nyan hte gāyin hkawm nga ai, myit kaw nna anhtē a wēnyi hta nga ai lāban nhtoi a hkrang sa ai lam hku nna, Hkristu kāta de shālawt ya na rai nga ai. Anhtē gaw myit a gāyin hkawm nga ai hta kānyi kānga rai nga ai ni ntai ai sha, myit hpe nyet kau nhtawm, wēnyi kāta de sit shang nna, sūmsing hte seng ai Hkristu hpe la lang lu sha ai hte kābu gāra ra nga ai. Shing rai yang she anhtē gaw shāning hkying mi Milenia hta Mādu a ning ngai ai mungdan hta hkring sa shang lawm kānawn lu na rai nga ai.\